

Isumaginninnermi Naammagittaalliuteqartarfik

► SOOQ ISUMAGINNINNERMI NAAMMAGITTAALLIUTEQARTARFIMMUT NAAMMAGITTAALLIUSSAANGA?

Isumaginninnermi naammagittaalliuteqarfik isumaginnittoqarfiiit allaffissornikkut immikkoortorta-qarfii ni qullersaavoq, isumaginnittoqarfimmi naammagittaalliuutinik suliaqartartoq, siusinaarlunili soraarnerussutisiat pillugit naammagittaalliuutit pinnagit.

Tassa ima isumaqarpoq kommunip aalajangiinerinut tunngasunik, assersuutigalugu utoqqalinersiat allannguutaannut, boligsikringi, innarluuteqarnermi ikiorneqarnissamut itigartinneqarneq, soorlu atotorissaarutit imaluunniit inuup ikorfartortip sulinerata sivisussusia pillugit naammagittaalliuteqartarfik naammagittaalliorfissaraat. Kommunip oqaasiinnakkut allakkatigulluunniit aalajangiineri pillugit isumaginninnermi naammagittaalliuteqartarfimmut naammagittaalliorsinnaavutit.

Aammattaaq Isumaginninnermut Naalakkersuisoqarfiiup nunani avannarlerni pensionisiat pillugit aalajangiineri Isumaginninnermi Naammagittaalliuteqartarfimmut naammagittaalliuutigisinnaavutit.

► QAQUGUKKUT ISUMAGINNINNERMI NAAMMAGITTAALLIUTEQARTARFIMMUT NAAMMAGITTAALLIORSINNAAVUNGA?

Kommunip oqaasiinnakkut imaluunniit allakkatigut aalajangiinerata kingorna kingusinnerpaamik saapait akunneri 6-it qaangiutsinnagit naammagittaalliuuteqassaatit. Tamannali taamaallaat atuuppoq kommunip allakkatigut naammagittaalliorfissamut ilitsersuussimappatit.

► QANOQ ILILLUNGA NAAMMAGITTAALLIUUTEQASSAANGA?

Naammagittaalliuteqarnissamut periarfissat ukuupput:

- Naammagittaalliuummik immersuiffissaq [onlinekkut immersorlugu Isumaginninnermi Naammagittaalliuteqartarfimmut](#) naammagittaalliuummik immersuiffissaq imaluunniit pappiaraq anillatseriarlugu, nammineq immersorianrlugu nalinginnaasumik allakkatigut nassiullugu.
- Allakkiorlutit ungalu nassiullugu Imaneq 29.1.Sal, 3900 Nuuk. Postboks 689.
- Emailimik nassiussillutit uunga maalaarut@nanoq.gl
- Sianerlutit uunga normumut 32 80 33
- Imaneq 29.1.Sal, 3900 Nuuk-mut nammineq saaffiginnillutit

MALUGIUK. Allakkatigut aalajangiineq pappiaqqallu allat kommunimeersut ilanngukkukkit iluaqutaas-saaq, ass. mailikkut allaqatigiinnerit, nakorsamit allagarsiussaq, peqqissaasup oqaaseqaatai imaluunniit Pissassarfimmit oqaaseqaatit il.il. Pappiaqqat taakku aalajangiisoqarnerata eqqortuunnginneranik uppernarsaataasinnaapput.

► NAAMMAGITTAALLIOREERUMA QANOQ ILIUSSAANGA?

Naammagittaalliutit suliarineqartarnerisa agguaqatigiissillugu massakkut sivisussuseraa qaammatit pingasut affarlu, tassa imaappoq qaammatit pingasut affarlu qaangiuppata Isumaginninnermi Naammagittaalliuteqartarfimmit akissutisinissat naatsorsuutigissavat.

► ISUMAGINNINNERMI NAAMMAGITTAALLIUTEQARTARFIUP NAAMMAGITTAALLIUTIGINEQARNERA


Isumaginninnermi Naammagittaalliuteqartarfiiup aalajangiussai inaarutaasumik aalajangiine-rusarput taamaattumillu allaffissornikkut ingerlatsisunut allanut naammagittaalliuutigineqar-sinnaangillat, aalajangiinerilli eqqartuussiveqarfinnut tunniunneqarsinnaapput.

Qanoq pisoqarnerani Isumaginninnermi Naammagittaalliuteqartarfimmut naammagittaalliutteqarsinnaanermut assersuut



Inuk issiavini assakaasulik meeqqanoortoq mikigileramiuk kommunimut qinnuteqarpoq nutaamik anginerusumillu issiavimmik assakaasulimmik pisaarsulluni. Kommunip itigartippaa tunngaviliissutigalugu issiavini assakaasulik suli atorsinnaammagu.

Taamaattumik Inuk naammagittaalliutteqarniarpoq, kommunip aalajangernera naammagittaalliutiginiarlugu Isumaginninnermi Naammagittaalliuteqartarfimmut naammagittaalliuummik immersuivoq.



Isu maginninnermi Naammagittaalliuteqartarfiup Inuup naammagittaalliutaat tigua, Inummullu tunngasunik paassisutissanik kommunimut pis-sarsiniarpoq. Naammagittaalliutip suliarinerani Isu maginninnermi Naammagittaalliuteqartarfiup nalilerpaa kommuni kukkusumik aalajangiisi-masoq suliarlu Inummut tunngasoq kommunimut utertillugu suliareqqitassanngorlugu.

Kommunip suliaq aallarteqqippaa Isu maginninnermi Naammagittaalliuteqartarfiullu aalajangiinera tunngavigalugu kommuni aalajangerpoq Inuk nutaamik anginerusumillu issiavimmik assakaasulimmik pisaassasoq.

